

Gvangjsih Minzcuz Bau

ganhhau: CN45-0036 B.2019 Nd.12 Ng.11 liggaeuq geijhah nienz ndwenit cibroek

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3403 期

Nanzningz Si Doidoengh “Nanzningz Geq· Sam Gai Song Hongh” Yungh Sawcuengh

Bi 2019 dwg Cungguek moq laebbaenz 70 hopbi, hix dwg 《Aen Diuzlaeh Saw Vah Minzcuz Vunznoix Gvangjsih Bouxcuengh Swcigih》fat-bouh hengzguh hopbi ndeu. Vih caenh'itboub gvancez doeksaed gij cwngcwz saw vah minzcuz caeuq fapldw fapgi dangj, senhconz、yienh-ok gij diegvih habfap Sawcuengh Vahcuengh caeuq yungh、hwngfat Sawcuengh Vahcuengh, daejyienh hawsingz minzcuz daegsaek caeuq Dunghmungz yenzsu, langhbaix Gvangjsih vwnzva lai yiengh huzndei hwngfat caeuq gij yienghsiengq moq doiq rog hailangh, Nanzningz Si Veihningz Douzswih Cizdonz Mizhanh Cwzyin Gunghswih youq mwh hwnj-guh dieg haedsim gai lizsij vwnzva “Nanzningz Geq·Sam Gai Song

Hongh” gaenxmaenx yungh Sawcuengh Vahcuengh.

“Sam Gai Song Hongh” dwg aen vwnzlij cunghab hanghmoeg Nanzningz aen nduj yungh gij vwnzva Nanzningz geq guhdaeuz, langhbaix gij fungcingz nyuenzmiz Nanzningz geq, comz vwnzva vwnzcang、swngldai lijyouz、youqndwi guh'angq youq itheij, dieg haedsim it geiz hanghmoeg gviveh yungh najdieg 64 moux.

Bineix daeuj, Aen Cungsim Fugsah Saw Vah Minzcuz Vunznoix Nanzningz Si gaenxmaenx boiqhab Nanzningz Si Veihningz Douzswih Cizdonz Mizhanh Cwzyin Gunghswih guh gij hong mizgven, vih “Sam Gai Song Hongh” ginggih gunghawj aen hidungj geiqhauh dazyawj fanhoiz Sawcuengh 2187 aen sawloih, ndawde

baudaengz an mingzcoh gai 13 dieg, vwnzbauj danhvei 3 dieg, dieggingj haedsim 3 dieg, gij neiyungz dazroen 24 diuz. Seizneix, “Sam Gai Song Hongh” gaenq laebdaeb cang yungh gak loh baiz geiqhauh miz Sawcuengh、Sawgun、Yinghvwz sam cungj saw haenx, hawj gyoengq siminz caeuq bouxhek cigsoh roxyiuj gij vwnzva vahgangj Nanzningz, engq cienzmienh roxyiuj gij lizsij vwnzva Nanzningz, gyalai roxyiuj gak loh saw vah, doiq coicaenh gak minzcuz doxhag saw vah, coicaenh gak minzcuz dox baedauq doxgyau doxyungz、gunghanq caeuq cauhaeb gij eiqsik caezcaemh Cunghvaz Minzcuz miz cozyung gaenxmaenx.

(Veiz Yinjsenz)

SIUSIK DINJ

● Ndwen 12 ngoenz 5 dwg ngoenz bouxgagnyienh gozci aen daih 34. Vih fatyienz gij cingsaenz gagnyienh fugsah, doidoengh gij hozdung gagnyienh fugsah gvangqlangh haiguh, Gunghcwngz Yauzcuz Swciyen Suijligiz yungh aen seizgei “ngoenz bouxgagnyienh gozci 12·5”, cujeiz 20 lai boux bouxgagnyienh fugsah suiqli bae daengz Gyahvei Cin Swanh Cunh haiguh gij hozdung gagnyienh fugsah baetsauq nyap-nyaj, ndaej daengz vunzlai dangdieg haenx.

(Vangz Yaujginh Lij Cuiyi)

● Mboengneix, Lozcwngz Mulaujcz Swciyen Hawsingz Guenjieix Cizfagiz bae daengz Daihngaih Siujyoz aen yienh neix, haiguh “singzguenj haeuj hagdangz, caez hwnq aen singz vwnzmingz” senhconz gyauyuz hozdung, doenggvaq hozdung, hawj hagseng caeuq bohranz lai roxyiuj gij youqgaenj hawsingz guenjieix, mizleih doidoengh cauhaeb aen vunqsik hawsingz guenjieix “ndawbiengz — hagdangz — ranz” sam vih it daej.

(Liuz Livah)

● Ndwen 12 ngoenz 4, Dunghlanz Yen Swhfagiz、Yinzminz Fazyen daengj miz-gven danhvei lienzhah youq vwnzva cungsim gvangcangz banh aen hozdung ngoenz fap-guek guekgya caeuq ngoenz senhconz fazci. Hozdung doenggvaq venj fukbaengz-hoengz laeb daiz camcaz, fat cek saw senhconz fapguek daengj fuengsik, cienz gij yiui caeuq cozyung youqgaenj fapguek guek raeuz hawj vunzlai, senhconz aen sevei cuji fapldw dihi aeu fapguek guh haedsim haenx, vih fatyienz gij cingsaenz fapguek cau'ok heiq-faenh ndei.

(Veiz Yijyungz)

● Geij bi neix daeuj, Dasinh Yen aeu hwngfat canj-nieb dangguh gij neiyungz youqgaenj hawj vunzlai diegbya laebdaeb laisou mbouj dauq gungz caeuq lajmbanj saenq-hwng. Gujli vunzlai lajmbanj doenggvaq gij vunqsik “gunghsw + dieggoek + nungzhoh”, yungh ndoibya caeuq diegfuz haifat ndaem 1000 lai moux mabkakhom, bineix sou ndaej lai dangqmaz, gujsuenq moix ranz bingzyaenz bi laisou 1.2 fanh maenz doxhwnj.

(Vangz Dwzminz)

Bi 2020 “Aen Loqsiengj Raeuz”——Vwnzva Haeuj Fanh Ranz Hozdung Youq Sanhgyangh Hainduj



Ndwen 12 ngoenz 7, bi 2020 yenzdan ndwencieng geizgan “aen loq-siengj raeuz”——aen yizsi hainduj vwnzva haeuj fanh ranz hozdung caeuq ciengz nduj camnai yienj-heiq youq Liu-jouh Si Sanhgyangh Duncuz Swciyen Linzhieh Cin Gvandung Cunh banh, hozdung dwg Cunghyangh Senhconzbu、Cunghyangh Vwnzmingzban、Vwnzva Caeuq Lijyouzbu、Guekgya Gvangjbo Densi Cunggigiz、Cungguek Vwnzlenz lienzhah cawjbanh, yienj ciengz heiq ndei yawj ndeu hawj gyoengqvunz Mbanjdung. Ndaw doz dwg bouxyienj cingq yienjheiq.

(Vuz Lenyinh/吴练勋)

Lozcwngz: Haifat “Swngldai Lijyouz” Bangrengz Vut Gungz

Lozcwngz dwg aen Mulaujcz swciyen daengx guek dandog, hix dwg aen yienh cungdenj guekgya bang-gungz haifat. Aen yienh neix bya heu raemx saw, lijyouz swhyenz fungfouq, ndaej gyoengqvunz haenh baenz “aen Gveilinz iq”.

Geij bi neix daeuj, youq mwh vut gungz gunggeng, aen yienh neix cungfaen yungh ndei giindei swyenz, baengh “Mulauj cien bi Lozcwngz gyaeunde” miz Mulaujcz daegsaek

haenx, yungh “dangigen lenzgen daiq-lingx hwngfat, vunzguhnaz diegnamh haeujguj faenhoengz” daengj vunqsik, gviveh hwnjdin sang、maeuzveh gveihgwz sang、bued cienz lai, gaenx-maenx dajcauh buek dieggingj lijyouz gvaq ngoenzgyaj yenzswngldai comz yawjngonz youqndwi、dajniemh vwnzva、damqiemj lienhdang、ciengxdang youq itheij, haenqrengz hwngfat swngldai lijyouz banggungz canjnieb, haenqrengz doicaenh daengx

gizdieg lijyouz hwngfat, rengzrwd bangdoi vunzlai dangdieg laisou, bangrengz vut gungz gunggeng.

Ciuq cam rox, dan Swbaj Cin Menzvah Denhgwnggh Ginggih couh daiqdoengh daengz henzgyawj 23 aen mbanj 388 ranz 1670 vunz ndaej laisou(ndawde ranzgungzhoj 448 ranz 1700 lai vunz), hwngfat swngldai lijyouzyez hai diuz roen baenz miz moq ndeu hawj vunzlai dangdieg vut gungz baenz miz.

(Liu Gvanghfuz)